




36







From Don Countyway Lib.
OCT 31 1999

又嘗治一老婦血崩不止流流不絕滿床皆血

床不得者三月矣腹滿如孕乃作虛挾痰積瘀

血治之用四物四兩參朮各一兩甘草半兩以

補虛香附三兩半夏兩半茯苓陳皮枳實砂仁

玄胡各一兩以破痰積汚血分二十帖每帖煎

乾加乾荷葉側柏葉湯再煎服之服盡良愈今

再不發如神

雲岐子栢黃散 療經血不止

黃芩

一兩二錢半

側栢葉

蒲黃

各一兩

伏龍肝

一兩

水二升煎取八合分為二服

又方 崩中不止結作血片如雞肝色碎爛

芎藭一錢 阿膠 青竹茹各八分 續斷 地榆

小薊根各三分 當歸六分 生地 伏龍肝各一分

水九盞煎三盞分三服

一婦經漏不止四物加黃連黃柏鹿角膠童便數

劑而愈緣此婦素服不得參芪後又小產血崩

不止亦以前劑進之而安

大千方 崩中下血不止小腹痛

白芍藥酒炒二兩 側柏葉微炒六兩 右水一升煎取六

合入酒五合煎取五合空心分為二服 一方

為細末酒調二錢 一方有鹿角膠等分酒調

治白帶臍腹痛

治經血不止歌曰 婦人經血正淋漓 舊葢蓮

蓬燒作灰 熱酒一盃調八字 自然安樂更

無疑

經驗方 百草霜二錢狗胆汁拌勻分作二服以

當歸酒調下

黃芩湯 治經血不止

黃芩分五 川歸 側柏葉 蒲黃各四分

艾葉分一 生地二錢半 伏龍肝二錢

生薑三片水煎服

經驗方 治血崩不止

右用黃連解毒湯加艾葉服無不効者

南岳魏夫人濟陰丹 治婦人血氣久冷無子數

經墮胎皆因衝任之脉虛損胞内宿挾疾病經

水不時暴下不止月内再行或前或後或崩中

漏下三十六疾積癥癖臍下冷痛小便白濁以

上疾症皆令孕育不成以致絕嗣常服令人有

孕及生子充實產後百日内常服能去百病去

宿血生新血

木香煨 茯苓 京墨燒紅醋 龜仁去皮尖炒

秦艽 炙甘草 人參 桔梗炒 藁本

石斛酒浸 蚕退焙 乾薑炮 牡丹皮

桂心 川歸 細辛 川芎各一兩半

川楝去目炒 山藥各七錢半 澤蘭葉 熟地

香附

炒各四兩

大豆黃卷

炒半升

蒼朮

米泔浸去皮炒八兩

糯米

炒一升

右為末蜜丸每兩分作六丸每服一丸嚼細食

前溫酒醋任下 此藥用之累効血崩服之即

止 向有經候不行者二年腹內一似懷孕時

或鼓動但脉絃疾非妊脉耳遂令服至半劑下

血塊一盃自後服盡經候竟調若經病久無子

者服之即孕且生子充實但服至有孕便當住

服或脾胃素弱不宜用蜜丸則以醋煮薄麵糊

為丸如梧子大每服五十九溫酒醋湯任下

赤白帶下

機要云赤者熱入小腸白者熱入大腸其本實熱

寃結於脉不散故為赤白帶下也寃屈也結也

屈滯而病熱不散先以十棗湯下之後服苦練

丸大玄胡散調下之熱去濕除病自愈也

劉宗

厚曰此論有餘之症也

良方論云婦人帶下其名有五因經行產後風邪

入胞門傳於臟腑而致之若傷足厥陰肝經色

如青泥傷於手少陰心經色如紅津傷於手太

陰肺經形如白涕傷於足太陰脾經黃如爛瓜
傷足少陰腎經黑如衄血人有帶脉橫於腰間
如束帶之狀病生於此故名為帶

生生子曰按此論前既云傷於肝則色青傷
於心則色赤云是五臟皆能令人帶下也
抑何待於奇經之帶脉病而後然歟緣帶乃
有形之病如衣帶之狀所下之物亦必成條
或成片而象之也雖有赤白之殊皆濕痰瘀
血所致若局定指奇經帶脉之名而始名之

為帶下得無太泥乎哉攷之難經二十九難
曰奇經之為病何如云帶之為病腹滿腰

溶溶若坐水中滑伯仁註曰任脉起胞門行
腹故病苦內結男為七疝女為瘕聚帶脉迴
身一週故病如是觀乎是在任脉則有男女
之分在帶脉則無男女之分據乎是則凡帶
脉所生之病乃男女均有之疾初非硬指帶
脉之名為婦人今日所謂白物淫淫而下之
帶也又按內經骨空篇曰任脉為病男子內

結七疝女子帶下瘕聚亦是以任脉主帶下
而不以帶脉名帶下也故後之歷代諸公所
治亦不泥於帶脉予故辯而明之庶臨症者
而毋以名拘焉

劉宗厚曰按良方此論言風氣寒熱傷於諸臟致
症似言外邪大抵此症多有本於陰虛陽竭營
氣不升經脉凝滯衛氣下陷精氣累滯於下焦
竒經之分蘊積而成其病或醉飽房勞服食燥
劑所致也白物如涕之狀故言帶者亦病形也

經云帶脉為病而渴名而白者屬氣赤屬血東
垣舉脉訣曰崩中日久為白帶漏下多時骨木
枯言崩中者始病血崩久則血少復亡其陽故
白滑之物下流不止此可見未得全拘於帶脉
矣詳病亦有濕痰流注於下焦或肝腎陰滯之
濕勝或因驚恐而水乘土位濁液下流或思慕
為筋痿內經所謂二陽之病發心脾是也或餘
經濕熱屈滯於少腹之下而病本殊則皆為氣
血虛損營衛之精氣累治而成其病標一也前

人立論殆盡病機則治法無定若戴人以帶下
得兩手脉俱滑大而有力乃上用宣去痰飲下
以導水丸泄濕熱繼以淡劑滲之此為瀉實也
如其諸脉微細或沉緊而瀋按之空虛或洪大
而瀋按之無力正為元氣不足陰虛筋痿虛極
中寒等症東垣有補陽調經固真等例乃兼其
虛也丹溪先生治因濕痰下注用海石南星椿
根皮之類較之前人下之而復吐以提其氣或
葭中兼補補中兼利燥中兼升葭潤中兼益氣
溫而兼收澁之例不同蓋病機有輕重淺深之
異耳

仲景曰婦人帶下六極之病脉浮則為腸鳴腹滿
緊則為腹中痛數則為陰中痒痛洪則生瘡弦
則陰疼掣痛

又曰帶下有三門一胞門二龍門三玉門已產屬
胞門未產屬龍門未嫁女屬玉門

脉經問曰未出門女有三病何謂也師曰一病者
經水初下陰中熱或有當風或有扇者二病者

或以寒水洗之三病者或見丹下驚怖得病屬帶下

又問曰婦人年五十所病下痢數十日不止暮則發熱少腹裏急痛腹滿手掌熱唇口乾何也師曰此病屬帶下何以故曾經半產瘀血在少腹中不去何以知之其症唇口乾燥故知之當與溫經湯

內經曰脾傳之腎病名疝瘕少腹寬熱而痛出白一名白蠱當此之時可按可藥 啟玄子註曰

出白洩出白液也蓋便濁白帶之類

許學士云凡婦人有白帶多致不產育速宜治之衍義治帶下并腸有敗膿淋露不已腥穢殊甚遂至臍腹更增冷痛此蓋敗膿血所致率無已期須以此排膿白芷一兩單葉紅蜀葵根二兩白芍藥白枯礬另為末各半兩同以蠟丸如梧桐子大空心及飯前米飲下十丸或十五丸俟膿盡仍別以補藥佐之

本事方 治下元冷赤白帶下不問遠年近日盡

効 龍骨五錢 舶上硫黃三錢半 右為末每服

半錢無灰酒下空心調服一日三服

伏龍肝散 治赤白帶下久不瘥肌瘦瘁黃

棕櫚燒存性 伏龍肝 屋梁上塵懸長者炒烟盡出灰毒

右等分為末入龍腦射香各少許每服二錢酒

或醋調服病十年者半年可安有人經年崩漏

不止諸藥不効脉濡微與此藥兼香礬丸服之

愈

白礬四兩 香附子二兩 黃狗頭骨灰四兩

右為末粥丸梧子大每服三十九

東垣補經固真湯 白文舉正室白帶常漏久矣

諸藥不効診得右尺極微其白帶下流不止脉

經云崩中日久為白帶漏下多時骨木枯言崩

中者始病血崩久則血少復亡其陽故白滑之

物下流不止是本血海將枯津液復亡乾枯不

能滋養筋骨以本部行經為引用為使以大辛

甘油膩之藥潤其枯燥而益津液以大辛熱之

氣味補其陽道生其血脉以苦寒之藥泄其肺

而救上熱傷氣以人參補之以微苦溫之藥為
佐而益元氣名曰補經固真湯

柴胡 甘草 陳皮 郁李仁 生黃芩

人參 乾薑 白葵花 右除黃芩外

以水二大盞煎至一盞七分再入黃芩同煎至
一盞空心熱服以早膳壓之

桂附湯 治白帶腥臭多悲不樂大寒

肉桂 大附子 黃柏 知母 如少食常

飽有時似腹脹加白芍藥 如不思飲食加

五味子 如煩惱面上麻木如虫行乃胃中

元氣極虛加黃芪 人參 炙甘草 升麻

作一服水二鍾煎至一鍾食遠熱服

酒煮當歸丸 治頽疝白帶下注脚氣腰以下如

在冰雪中以火焙炕重厚綿衣蓋上猶寒不任

冷之極也面白如枯魚之象肌如刀削消瘦之

速也小便不止與白帶長流而不禁固自不知

覺面白目青藍如菜色目眈眈無所見身重如

山行步歌側不能安地腿膝枯細大便秘結口

不能言無力之極食不下心下痞煩心懊懷不
任其苦面停垢背惡寒小便遺而不知此上中
下三陽真氣俱竭故噦嘔不止胃寒之極也其
脉沉緊而瀋按之空虛若脉洪大而澁按之無
力猶為中寒之症况按之空虛者乎按之不鼓
是為陰寒之極也其空虛乃血氣俱虛之極也
當歸一兩 茴香半兩 黑附子炮去皮臍 良薑各七錢
右四味剉以好酒一升半煎至酒盡為度炭火
焙乾為細末入後藥 炒黃鹽 丁香各半兩

全蝎三錢 柴胡二錢 升麻根 木香各一錢 苦練子

炙甘草各五分 玄胡索四錢 俱為末與前四味和

勻酒煮麵糊為丸梧子大每服二十九粒飽淡

醋湯下 忌油膩冷物酒麵

當歸附子湯 治臍下冷痛赤白帶下

柴胡七分 良薑 乾薑 黑附子各一錢 升麻

蝎梢各五分 炙甘草六分 當歸二錢 炒黃鹽三分 黃柏二分

每服五錢水煎服為丸子亦可

右炒鹽例東垣回陽丹註云必用炒黃鹽無則

不効蓋寒疝之要藥也

固真丸 治白帶久下不止臍腹冷痛其寒捫之
如水陰中亦然目中溜火上壅視物眈眈無所
見齒皆惡熱飲痛瀕得黃連末擦之乃止惟喜
乾食大惡湯飲此病皆寒濕乘其胞內故喜乾
而惡濕肝經陰火上溢走於標故上壅而目溜
火腎水侵肝而上溢故目中眈眈無所見齒惡
熱飲者是少陽陽明中伏火也當大瀉寒濕以
丸藥治之故曰寒在下焦治主宜緩大忌湯散

以酒制白石脂白龍骨以枯其濕以炮薑大辛
熱瀉寒水以黃柏之大寒為因用又為鄉導治
法云古者雖重罪不絕人之後又為之伏其所
主先其所因之意又瀉齒中惡熱飲也以柴胡
為本經之使以芍藥半錢以導之又恐辛熱之
藥太甚損其肝經故微瀉之以當歸之辛溫大
和血脉此用藥之法備矣

白石脂 燒赤水飛 柴胡 各一錢 炮薑 四錢 黃柏 酒洗

白芍 各五分 龍骨 酒煮水 當歸 酒洗

右為末水煮稀糊為丸芡實子大每服三十丸
空腹時滾湯送下即以美饌壓之忌生冷硬
物酒濕麪

補真潤腸湯 治白帶陰戶中痛控心而急痛身

黃皮緩身重如山陰中如冰一名助陽湯

即前固真湯減人參加防風高良薑

海藏香附六合湯 治赤白帶下即四物加茴香桂也

夫全方 治赤白帶下年深日久不瘥

白芍藥二兩乾薑半兩各炒黃芩為末米飲下

錢日二服

丹溪治赤白帶下大法 或十棗湯神祐丸或玉

燭散皆可用之虛者不可峻攻實者可行

血虛加減四物湯 氣虛以人參白朮陳皮間

與之 主治燥濕為先 濕甚者固腸丸 陰

火動者諸藥中加炒黃柏 滑者加龍骨赤石

脂 滯者加葵花白者治白赤者治赤 性躁者加黃連

寒月少加薑附臨機應變先須斷厚味 帶

下與夢遺同法治之 肥人有帶多是濕痰用

海石半夏南星黃柏炒青黛蒼朮川芎瘦人

帶病少如有者多是濕熱用炒栝蛤粉滑石川

芎青黛樗皮帶漏俱是胃中痰積流下滲入

膀胱出於大腸小腸宜升提甚者上必用吐以

提其氣下用二陳湯加白朮蒼朮治結痰白

帶以小胃湯半飢半飽津液下數丸俟鬱行却

服補藥白朮一兩蒼朮半兩紅白葵花二錢

白芍藥七錢右餌餅為丸空心煎四物湯吞二十丸

婦年七十形瘦善啖白帶食前薑湯吞大補丸

五十九一二次午饌後及臨卧時各與小胃丹

十五丸愈

乳香散治赤白帶下草果一枚去皮入乳香

焦存性連麩為末每服二錢重者三錢陳皮湯調下

帶下不止用柶目白芷治白帶以柶目為末米

飲下

樗皮丸治赤白帶有濕熱者

白芍五錢良薑炒灰三錢黃柏炒成灰二錢椿皮一兩

右為末粥丸每服三五十九米飲下

治白帶因濕熱而勝下者 蒼木炒 白芍藥

滑石炒各一兩 枳殼 甘草各三錢 椿根皮炒

乾薑炮各二兩 地榆半兩 為末粥丸米飲下

治帶下 椿根皮二兩 神麴炒 麩麴炒 黃柏炒

蒼木各一兩 白芍半一兩 滑石 枳殼各五錢

右為末糊丸梧子大空心服五十丸

赤白帶皆屬於血有出於大小腸之分黃荊子炒

焦為末米飲調三錢

固腸丸 治濕氣下利大便血白帶去脾胃陳積

之後用此以燥下濕亦不曾單用看病作湯使

椿根白皮為末粥糊為丸此藥性涼而燥須炒

用一方加滑石一半

地榆膏 治赤白帶下骨立者

地榆斤一 用水三升煎至一半去渣再煎如稠

錫空心服三合日二次

治漏下五色地榆三兩用醋一升煮十餘沸稍熟

食前服一合

治白帶因七情所傷脈數者

黃連炒

側柏蒸酒

黃柏炒各半兩

香附醋炒

白朮炒

白芍各一兩

白芷燒存性三錢

椿根皮炒兩

木香錢三

為末粥丸米飲下

千金方 治赤白帶下

三葉酸醬草陰乾為末空心溫酒下三錢

丹溪治赤白帶

龜板酒炙二兩

黃柏炒一兩

乾薑炒一兩

枳子二錢半

右酒糊為丸每服七十九日二服

又方 治帶下脉數者

枸杞根一斤

生地五斤

右以水一斗煮取五升分五服

治帶下赤白腰痛或少腹痛有熱者

檉皮二兩

玄胡索

菴仁

側柏葉

茴香

當歸

川練肉各半兩

香附八錢

官桂

烏藥各三錢

麥皮曲炒一兩

右為末酒糊為丸每服六十九神効

白芷散 治下元虛弱赤白帶下或經行不止等

症 白芷一兩

海螵蛸二枚

胎髮五九

為末每服二錢酒調下

東垣坐藥龍鹽膏

丁香

川烏炮

木香

各半錢

全錫五枚

良薑

木通各一錢

枯礬五分

龍骨

茴香

歸稍

炒黃鹽

防已洗酒

紅豆

肉桂各二錢

厚朴三錢

玄胡索五錢

右為末煉蜜丸

彈子大綿裹留絲在外納陰戶內

又方勝陰丹為上藥力小再取三錢內加行性熱

藥三賴子

川烏

大枳各五分

柴胡

羌活各二錢

全錫三枚

大蒜

破故紙與蒜同焙各一錢

升麻

枯礬各二分

射香少許

甘松三分

右為細末同前制用

又方回陽丹

全錫

升麻

甘松各二分

羌活

草烏頭各三分

水蛭焙乾三條

蚩虫三枚去翅足炒

川烏

柴胡各七分

大枳

萸撥

枯礬

三賴各五分

大蒜破故紙各二錢

炒黃鹽一錢此必用之藥去之則不効

右為細末依前制如指尖大綿包納陰戶中覺

臍一煖為効

丹溪治胡安人白帶下月經甚多食少倦怠面黃

經中有如血塊者有如筋膜者與參朮等補血

氣調脾胃後諸症皆退惟帶未止以樗皮丸主

之

張戴人治一婦帶下連綿不絕白物或來已三載
矣兩手脉俱滑大有力六七至常上熱口乾眩
暈時嘔酢水乃寒痰在胸中以瓜蒂散吐出冷
痰二三升皆酢水也間如黃涎伏如爛膠次以
漿粥養其胃氣又次用導水禹功以瀉其下然
後以淡劑滲泄之藥利其水道不數日而愈
又息城李左衙之室病白帶如水窈漏中綿綿不
絕穢臭之氣不可近面黃食減已三年矣諸醫

賢云積冷陽起石硫黃薑附之藥重重燥補汚
水轉多戴人斷之曰此帶濁水本熱乘太陽經
其寒水不禁固故如此也夫水自高而趨下宜
先絕其上源乃涌痰二三升次日下沃水斗餘
行三遍汗出周身至明日病人云汚已不下矣
次用寒涼之劑服及半載產一男

仲景温經湯

吳茱萸三兩 川歸 芍藥 芍藥 人參 桂枝

阿膠 丹皮 生薑 甘草各二兩 半夏半升

麥冬升一 右十二味水一斗煮取三升分温三服 亦主婦人少腹寒久不受胎兼取崩中去血或月水過多及至期不來

五靈散 治赤白帶下

五靈脂 半生半炒 為末酒調服

大全方 治白帶 茅花 炒一握 棕櫚灰 三寸

嫩蓮葉 三葉 甘草節 一錢 右為末空心酒調方寸

益母散 治帶下赤白惡露下不止

益母草 開花時採搗為末空心酒服二錢日三服

大方 治白帶用白芷以法去灰茜草少許

粥糊丸服

又方 白芍藥炒黑為末每服三錢七酒調下

丹溪治赤白帶用生狗頭骨燒存性為末酒調服

或入藥服

千金方 治帶下

雲母為末温水調服三方寸七立見神効

姪娘白帶 蒼朮 三錢 白芷 炒各二錢 黃芩 炒各二錢

黃連 炒 黃柏 炒 樗根皮 各一 山茱萸 各二

半錢

白芍二錢半

為末糊丸空心酒服五十九

寡婦師尼寒熱如瘧

倉公傳與褚氏論皆云師尼寡婦獨陰無陽慾心萌而未遂是以慳慳成病以致乍寒乍熱而類瘧狀久則為勞又有經閉白淫痰逆頭風膈氣痞悶面黧瘦瘠等症皆寡婦之病診其脉獨肝部弦出寸口而上魚際皆血盛所致經云男子精感則思室女以血感則懷胎觀其精血思過乎矣

若肝脉弦出左關則宜地黃丸血

佐以四物湯若兼怒動肝而寒熱佐以加

遺遙散若虧損肝經而寒熱佐以八珍湯若

損元氣而寒熱佐以清中益氣湯若鬱傷脾胃

而寒熱佐以濟生歸脾湯

若一寡婦不時寒熱脉上魚際以血盛之症用小

柴胡湯加生地黄治之而愈但畏風寒以脾胃

氣虛用加味歸脾湯補中益氣湯兼服而安

婦因夫久出經商發寒熱月經旬日方止服

天涼血藥內熱益甚自汗盜汗月經頻數予曰
內熱自汗乃脾氣虛弱也月經頻數乃血不歸
脾也用歸脾湯六味丸而愈

室女寒熱肝脉弦長而出寸口用小柴湯加生
地烏梅治之而愈既嫁而諸症悉痊

室女久患寒熱月經失期以小柴湯加生地治
之少愈更以生地黃丸而痊

地黃丸 許學士云有一師尼惡風体倦下寒
熱面赤心煩大小柴胡湯雜進其病益劇予

診視之曰三部脉無寒邪但肝脉弦長而上魚
際服此丸而愈

柴胡 秦艽 黃芩 各五錢 生地 二兩

赤芍藥 一兩 右為末煉蜜為丸梧子大每服

三十九丸烏梅湯下一日三服

逍遙散 治日夜虛熱脉微細

地骨皮 甘草 黃芩 各三錢 川芎 各三錢

北柴胡 五錢 香附 三錢

右水煎空心服加竹葉十片

柴胡散

治寒熱往來以陰陽相勝陰勝則寒

陽勝則熱或是胎前雜病但服此湯如燒湯

雪

北柴胡

黃芩

甘草各三錢

地骨皮

一錢

荆芥

桂各二錢

水煎服

再仍服小柴胡湯三五帖

夢與鬼交

人稟五行秀氣而生承五臟神氣而養若調理失

節氣血虛衰則鬼邪干其正隱避而不欲見人

時獨言笑或時悲泣是其候也脉息遲伏或如

鳥啄或綿綿而來不知度其面頰不變亦其候

也

許氏曰前症多由七情虧損心血神無所護而然

也宜安神定志等藥則正氣復而神自安若脉

來乍大乍小乍短乍長亦為鬼祟也宜灸鬼哭

穴

以患人兩手指相並用線紫扎當合縫處

云即乞求免矣云我自去矣

茯神散

治妄有所見言語雜亂時或昏昧痰

熱

茯神

炒一兩半

茯苓

人參

石菖蒲

赤小豆 五分 右水煎服

桃仁丸 治鬼魅交通

辰砂 另研 檳榔 當歸 桃仁 各三錢

水銀 一錢 束肉 一星 射香 阿魏 麩包煨

沉香 各半 右為末煉蜜為丸梧桐子大每

服十九空心桃仁湯下

辟瘟丹

虎頭骨 二兩 辰砂 雄黃 雌黃

鬼臼 皂莢 蕪荑仁 鬼箭羽

藜芦 各一 右為末蜜丸彈子大囊盛一丸

男左女右繫臂上及用一丸當病人戶前燒之

一切邪鬼不敢近

妙香散 治心氣不足精神恍惚虛煩少睡盜

汗等症 甘草 人參 桔梗 各半

黃耆 茯苓 遠志 去心

山藥 姜汁 炙 辰砂 三錢 射香 二錢

木香 二錢 右為末每服二錢溫酒調服

治婦人與鬼交

松脂 雄黃 先熔松脂乃入雄黃以虎
爪不住手撓得所取如雞子黃大令患人卧以
被蓋取藥薰之惟露頭在外勿令泄氣又不可
過熱

鹿角散

男女夢與鬼交精神恍惚者

鹿角屑三指撮日二服酒下

亦治遺精

婦

人被妖魅狐猫祟迷惑不肯言鬼鹿角屑以水
服方寸匕即言實也

桃鳧

一名桃奴

一名鳧景

是過年樹上

落乾桃子味苦微温主殺百鬼精物療中惡腹
痛殺精魅五毒不祥正月採之

熱入血室

婦人傷寒傷風發熱經水適來昼則安靜暮則譫
語有如瘧狀此為熱入血室治者無犯胃氣及
上二焦宜服小柴胡湯

薛氏治一婦經行感冒風邪昼則安靜夜則譫語
此熱入血室也以小柴胡加生地治之頓安但
內熱頭暈用補中益氣湯加蔓荊子而愈後因

惱怒寒熱譫語胸肋脹痛小便頻數月經先期
此肝火血熱妄行以加味道遙散加生地黃而
愈

一婦因怒寒熱頭痛譫言妄語至夜益甚月經暴
至以怒動肝火用加味道遙散加生地治之神
思頓清又用補中益氣湯而痊

一婦經行感冒譫語或用發散寒涼之劑前症益
甚月經不止肚腹作痛嘔吐不食痰涎自出以
熱入血室而藥復傷胃用香砂六君子歸脾湯

而安

乾姜柴胡湯

治婦人傷寒經脈方來熱入血
室寒熱如瘧或狂言見鬼

柴胡一錢

桂枝三分

牡蠣煨

乾姜炮

甘草各三分

瓜蒌根五分

水煎汗出而愈

海蛤散

治婦人傷寒血結胸膈宜服此藥

針期門穴

海蛤

滑石

煨水

甘草

各二分

芒硝一兩

各為末每服二錢用雞子清調下小腸通利其

結血自散更用桂枝紅花湯發其汗則愈
桂枝紅花湯 治傷寒發熱口燥舌乾經脈不

行 桂枝 芍藥 炙甘草 各一錢

紅花 二錢

右姜枣水煎服良久更進汗出可解

加味逍遙散 肝脾血虛有熱遍身搔痒或口

燥咽乾發熱盜汗食少嗜卧小便澀滯等症

治瘰癧流注虛熱等瘡熱入血室等症

炙甘草 芍藥 酒炒 茯苓

白朮 炒各一錢 柴胡 丹皮 山梔 炒各五分

水煎服

逍遙散 即前方去丹皮山梔

加味小柴胡湯 治經水適來傷寒或經水適

止傷寒昼則明了夜則發熱譫妄如狂 即小

柴胡加生地黄牡丹皮

心胸嘈雜

婦人嘈雜此脾胃鬱火痰滯血液淚汗而成用猪
血炒食之乃以血導血而使之歸源耳旋覆花

湯尤善

薛氏曰若因食鬱用六君子山查山梔若因胃熱用二陳姜炒芩連若因六鬱用越鞠丸若因氣滯用四七湯桔梗枳殼大抵此症屬病氣元氣俱不足須用六君子為主少佐以治痰之藥若以火治之必變吞酸中滿

一婦飲食少思胸中嘈雜頭暈吐痰此中氣虛而有熱用六君子湯加炒黑梔子桔梗而愈後因勞役頭暈發熱吐痰不食用補中益氣加半夏

茯苓大麻而痊

一婦中脘嘈雜口中辛辣或咳嗽吐痰發喘面色

或白或赤以脾氣虛而肺中伏火也用六君子

加山梔桔梗柴胡及炒黑片芩治之愈

一婦嘈雜吞酸少食大便不結以脾氣虛寒而下

陷用補中益氣湯加茯苓半夏炮姜漸愈又常

服人參理中丸而安

一婦飲食後嘈雜吞酸以食鬱為痰用六君子送

越鞠丸漸愈又用加味歸脾湯而痊後因怒兩

脇脹痛中脘作酸四君子湯送左金丸漸安仍
用六君子湯送越鞠丸而痊

旋覆花湯

治脾胃虛寒中脘停痰汪洋嘈雜

腸鳴多唾嘔吐不食脇肋脹痛脉沉遲絃細

細辛 旋覆花 橘紅 桂心 人參

炙甘草 苦梗 白芍 半夏各五分 赤茯苓

三分 用水加姜煎服

又心胸嘈雜茯苓補心湯最妙

茯苓補心湯 治面色黃瘁五心煩熱咳血吐

血及嘈雜潮熱等症

半夏 前胡 紫蘇 茯苓 人參

枳殼炒 桔梗炒 炙甘草 乾葛各五分

川芎 川歸 白芍 陳皮各一錢

熟地黄各一錢半 入姜枣水煎服

痲痺疝瘕

婦人痲痺因元氣虛弱而邪氣積聚蓋痲痺者在

腹內近臍左右有筋脉急痛如臂如指如痲之

狀痺者僻在兩脇之間有時而痛皆陰陽不和

經絡痞隔飲食停滯冷氣固結而成也

婦人臟腑調和經脈循環則月水以時故能生子

無病若乘外邪而合陰陽則小腹胸脇腰背

皆相引而痛月事不調陰中腫脹小便淋瀝面

色黃黑則疝瘕生矣疝者痛也瘕者假也脉弦

急者生虛弱者死尺脉濇浮牢為血實氣虛腹

痛逆氣上行以為胞中有惡血久則結成瘕也

張子和曰遺溺閉瘕陰痿疝痺精滑白淫皆男子

之疝也若血涸月事不行行後小腹有塊或時

動移前陰突出後陰痔核皆女子之疝也但女

子不謂之疝而謂之瘕

婦人積年血瘕由寒溫失節脾胃虛弱月水不通

相結盤牢久則腹脇苦痛宜用三菝煎主之

治瘕瘕神効 以獾猪肝一具重十餘兩用巴

豆仁五十枚入肝內用醞醋三碗慢火熬乾研

爛量入三稜末丸作梧子大每服五丸食前熱

酒下

經行腹痛乃瘕瘕瘕瘕局方積氣丸妙

蒼會丸 治疔癰肌肉消瘦發熱潮熱飲食少思
口乾作渴或肝疔食積口臭生瘡牙齦蝕爛等
症 蒼會 胡黃連 黃連 炒焦

木香 白蕪荑 炒 青皮 各五錢 當歸

茯苓 陳皮 各一兩半 炙甘草 七錢

右為末米糊丸梧子大每服七八十九丸米湯下

香丸 治疥癬冷氣心腹作痛

射香 二錢 五靈脂 炒 阿魏 五錢 麩包

桃仁 三錢 各二兩 羌花 醋炒 檳榔 各一兩

木香 桂心 沒藥 木香 當歸 各五錢

右為末飯丸梧子大每服十丸淡醋湯下

阿膠膏 治一切瘡塊更服胡連丸

羌活 獨活 玄參 官桂 赤芍

生地 川山甲 兩頭尖 大黃

白芷 天麻 各五錢 紅花 四錢 木鱉子 去殼 十枚

皂莢 五錢 槐柳桃枝 各三錢

右用香油二兩煎黑去渣入髮油內煎髮化

仍去渣徐下黃丹煎軟硬得中入芒硝阿魏蘓

合香油乳香沒藥各五錢射香三錢調勻成膏
患處鋪平半指厚以紙蓋用熱熨斗熨之良久
如硝耗再加熨之二時許方貼膏藥 若是肝
積加盧會末同熨

乾漆散 治疝瘕脇肋疼痛

乾漆炒令烟尽 木香 芫花醋炒 赤芍 桂心

川歸 川芎 琥珀各五錢 大黃炒二兩 牛膝

桃仁去皮尖一兩另研 射香一錢

白為末每服一錢溫酒調下

桃仁煎 治血瘕

飛仁 大黃炒各一兩 蜚虫炒黑五錢 朴硝一兩

右為末以醇醋鍾石器中煮三分下前三味

不住手攪煎至可丸下朴硝丸梧子大不吃晚

食五更初溫酒下五丸日午下穢物如未見再

服仍以調氣血藥補之以方乃峻劑也下血塊血積甚速氣血虛者慎之

大硝石丸 治七瘕八瘕當用此藥去之不令人

困 大黃四兩 硝石三兩 人參一兩 甘草八錢

右為末苦酒一升石器中先入大黃煎膏入餘藥丸梧子大每服三十九米飲下三日一服宜下赤物

疔瘻散

治寒氣不散疔瘻脹痛脇肋痛甚神

効男子婦人脾胃虛冷氣滯不行

延胡索

肉桂

乾姜

炮各四分

蒼朮

米泔水浸一宿

甘草

各二錢

砂仁

檳榔

丁皮

各一錢

三稜

煨

莪朮

煨

茯苓

青皮

去白各七分

連根葱白一莖水二鍾煎至熟服

空鑑疾藜湯

治陰疝小腹作痛小便不利

足逆冷或脇腹悶痛

藜藜子去刺大附子炮

梔子仁各半兩

右為末每服三錢水煎食前服

川山甲散

治癥痞瘀血心腹作痛

川山甲煨

鱉甲醋炙

赤芍

大黃

乾漆

無灰炒

桂心各一兩

川芎

芫花

歸尾

各半兩

射香一錢

右為末每服一錢酒調下

三稜煎

治血癥血瘕食積痰滯

三稜

炒

莪木

製不全上各三兩

青皮

去白半夏

麦芽

炒

右用好醋一鍾煮乾焙為末醋糊

丸梧子大每服三四十九淡醋湯

痰積生美

湯下

脬轉小便不利

婦人脬轉或內熱傳搏於脬或忍小便氣逆於內

以致小腹急痛不得小便甚者至死

薛氏曰前症不問男女孕婦轉筋小便不利命在

反掌非八味丸不能救

一婦因鬱怒小便滴瀝漸至小腹腫脹痰喘

用八味丸料煎服小便即利而痊

葱白湯

治氣滯小便不通腹脹欲死

陳皮

三兩

葵子

一兩

葱白

一握水煎分三服

八味丸

治轉脬小便不通殊有神効但世所

不用以致悞人

方見虛損

滑石散

脬轉數日不通

滑石

一兩

寒水石

二兩

葵子

一合

右研以水

一斗煮至五升每服一升即通利

又方 亂髮煨 葵子 車前子 各等分酒

調下二錢

強忍小便致脬轉尿不利困篤欲死

滑石 二兩 髮灰 一兩 為末每服三錢桃白皮

一觔細切搗熟入水三盞絞取汁服

千金翼用杏仁去皮尖二十枚麩皮炒黃嚙細水

送下立通

一方 皂角為末吹鼻內取嚏

石菖湯

治脬轉小便不通及小便實熱氣滯

淋瀝

石菖 黃芩炒 木通 葵子 榆白皮 瞿麥

甘草 各五分 加生姜水煎服

小便數

蘇氏曰小便數頻若肝經火動用逍遙散加龍膽

草車前子

膀胱火動六味地黃丸加麥門冬五味子

肝腎濕熱龍膽瀉肝湯 鬱傷肝脾加味逍遙散

加味歸脾湯 脾肺氣虛補中益氣加麥冬五味 肝經血虛加味逍遙散 腎氣虛敗鹿茸散如不應用八味丸

桑螵蛸散 治腎氣虛寒小便數少或時頻數

或夜間尤數

桑螵蛸炒三枚 鹿茸炙 牡蛎煨 炙甘草

炙黃耆 右為末每服二三錢食前空心用

姜湯調下日二服

諸泉丸 治脾氣虛寒小便頻數或遺尿不住

小兒尤効

烏藥 益智仁 各等分為末酒煮山桑

丸梧子大每服七十九鹽酒或米飲下

鹿茸散 治腎氣虛寒便溺數甚或夜間頻數

遺溺 鹿茸炙 烏賊魚骨 桑寄生

川歸 龍骨煨各二兩 白芍炒 附子炮各三錢

桑螵蛸炙五錢 右為末每服二錢空心并食

煎溫酒調下作丸亦可

遺尿火禁 附小便出屎以名交腸病也

內經曰膀胱熱於膀胱則痿溺血膀胱不利為瘧
不約為遺溺註云膀胱為津液之府水注由之
然足三焦脉實約下焦而不通則不得小便足
三焦脉虛不約下焦則遺溺也靈樞曰足三焦
者太陽之別也並太陽之正入絡膀胱約下焦
實則閉瘧虛則遺溺

良方曰此乃心腎之氣失其常度故有便道澀而
遺者有失禁而不知自遺者亦有傷產傷膀胱
不時而遺者有脬寒臟冷而不自知者

薛氏曰設肝腎虛熱延孔痿痺用六味丸如不應
用加減八味丸陽氣虛憊膀胱積冷用鹿茸丸
如不應用八味丸若脾氣虛弱不能禁止用補
中益氣湯加山藥山茱萸五味若肺氣虛寒前
湯加桂附此症屬虛熱者多真寒者少治宜審
察

一婦小便自遺或時不利日晡益甚此肝熱陰挺
不能約制用六味丸料加白朮黃柏酒炒黑
分知母五分數劑諸症悉愈若誤用分利之藥

愈損真陰必致不起

一老婦患前症惡寒躄倦四肢逆冷余以為陽氣虛寒用補中益氣湯加附三劑不應遂以參附湯四劑稍應仍以前藥而安附子計用四枚大參三觔許

一婦病愈後小便出屎如陰陽失於傳送名大小腸交也先用五苓散二劑而愈又用補中益氣湯而安

鹿茸丸 治陽氣虛小便白濁滑數不禁或

腹陰冷大便不實

鹿茸炙 椒紅 桂心 石斛 附子

炮牡蛎煨 補骨脂炒 肉蓯蓉 雞肫皮

炙沉香各一兩 桑螵蛸錢三

右為末酒糊丸梧子大每服三十九空心温酒下

秘元丹 治陽氣虛小便不禁或夜多小便頻

數 白龍骨煨三兩 訶子十枚 砂仁一兩

右為末糯粥丸梧子大空心鹽湯下五十九

酒亦可

又方

鹿角鎊屑炒為末每服三五錢空心熱

酒調下

又方

雞胫胫炙為末每服二三錢空心食前

酒調下日三次

又方

桑螵蛸酒炒為末每服二錢空心姜湯

調下

